



Udruženje/udruga “BH novinari”, Kralja Tvrtka 5/5, 71000  
Sarajevo Telefoni: 033 223 818, 033 217 302  
E-mail: [bhnovinari@bhnovinari.ba](mailto:bhnovinari@bhnovinari.ba), WEB: [www.bhnovinari.ba](http://www.bhnovinari.ba)

**PREDSJEDNIŠTVO BOSNE I HERCEGOVINE  
SEKRETERIJAT PREDSJEDNIŠTVA  
KABINET GENERALNOG SEKRETARA  
Musala 1  
71 000 SARAJEVO**

**n/r: Gospodina Borisa Buhe, generalnog sekretara  
Gospodina Dženana Selimbegovića, zamjenika generalnog sekretara**

**CC: Služba za informiranje Predsjedništva BiH  
n/r: Gospe Dalide Jugo, šefice Službe**

**Datum:** 4.12.2017.

**Broj:** 01 - 401 /17

**Mjesto:** Sarajevo

**Predmet:** *javni protest povodom neprimjerenog govora i mizoginih komentara javnog zvaničnika/uposlenika Sekretarijata Predsjedništva BiH*

Cijenjeni gospodine Buha,

Obraćam Vam se u ime Udruženja/udruga *BH novinari* sa molbom da najozbiljnije razmotrite i osudite neprimjereni javno oglašavanje Vašeg kolege Dženana Selimbegovića, zamjenika generalnog sekretara Predsjedništva BiH. Na svom Facebook profilu, gospodin Selimbegović je 30. novembra 2017. objavio komentar slijedećeg sadržaja: „*Gledam trailer za nekakav intervju na BHT- u. Sjele dvije „polovnjače“ jedna naspram druge. Jedna loše izblajhana, a druga sa sfušerenim kolagenom u usnama. Ljudi ih zovu novinarkama. I sada ova izblajhana, mrtva –hladna, kroz čuperak loše*

*njegovane kose, izvali da je BiH u ratu odbranila šaka novinara u BHT – u. Ništa Armija BiH, ništa heroji, ništa Alija... samo ona i njena raja“.*

U navedenom Facebook postu se ne navode imena novinarki, ali su jasno istaknute činjenice o kojem se mediju radi i o kojem intervjuu, tako da je sasvim jasno kome su upućene primitivne i proste riječi, te mizogini komentari koji u javnom komunikacijskom prostoru promoviraju muški seksizam, mržnju i omalovažavanje žena na nivou predrasuda. Budući da je gospodin Selimbegović javni službenik i uposlenik u Kabinetu generalnog Sekretara Predsjedništva, najviše državne institucije u BiH, smatramo kako javni službenici u svojim komentarima ne bi smjeli kršiti zakonske propise, standarde i vrijednosti ljudskih prava, kao i međunarodne deklaracije koje je prihvatilo državno Predsjedništvo.

Udruga BH novinari se zalaže za slobodu izražavanja, posebno na internetu (Facebooku i drugim društvenim mrežama) sami podržavamo političku debatu o svim temama uključujući i medijske sadržaje poput rečenog intervjuja ili njegove najave na BHT – u, što podrazumijeva i osporavanje objavljenih činjenica. Ali nikako ne možemo prihvatiti primitivno komentiranje izgleda novinarki, etiketiranje i omalovažavanje njihovog ženskog identiteta koji su sadržani u Selimbegovićevom FB postu.

Zbog svega navedenog, gospodine Buha, zahtijevamo od Vas da najozbiljnije razmotrite postupanje gospodina Selimbegovića, poduzmete neophodne mjere zbog kršenja općeprihvaćenih standarda zaštite ženskih ljudskih prava i pristojne javne komunikacije, te kao državna institucija osudite ovaj postupak.

S poštovanjem,

*B. Rudić*



Borka Rudić, generalna tajnica *BH novinari*